


上諭條例


二百十九



漢書門			
類	號	函	架
八	九	〇	二
四	一	一	二
八	一	六	二

內閣文庫			
漢	書	類	冊
八	九	〇	二
四	一	一	二
八	一	六	二

內閣文庫		
番號	漢	8904
冊數	226 (219)	
函號	287	20



欽

頒

乾隆

年

上諭條例

江蘇布政使司衙門刊行

五十九年春季條例目錄

吏例

新疆各項官犯軍墓人犯查明准保不准保定議條例具奏
揀選知府 上諭

襄陽縣巡檢衙署失火巡檢蔣起緒搶出印信之後復冒火
室負母趨逃猝被烟迷倒地其妻子上前拉救一同燒

斃賞給銀一百兩料理歸籍長子蔣福基以巡檢即用
保定再留任三年銜齡賞還知府原銜仍護理江西撫道
纂修吏部處分銓選則例告成供事議叙

吏目

吏 杰

吏目一

五十九年春季一

嗣後州縣缺出如一例人員照例具題不得專摺濫保
各部院漢郎中御史將歷俸已滿二年者保送以知府簡用
訓飭將俸滿二年截取漢員堪勝繁缺者即先行保送一二
人其各部中如無俸滿二年截取者亦准其于滿漢司員
內核其才具堪膺繁缺知府者酌量保送一二人一併帶
領引見

署院書 等奏江寧府知府將和騰額調補述德補授廬州
府胡觀瀾仍留江蘇候補

新疆各項官犯軍臺人犯查明准保不准保定議條例具奏
乾隆五十九年正月三十日奉

上諭向來發往新疆官犯到彼數年後該將軍大臣等往往奏請覈職銜
派辦事務且有奏補主事同知實缺從此遞陞者此項人等發往新
疆原因其獲罪示懲而一經保奏轉得俸邀錄用漸次陞遷並有發
往時原職本小而保奏後由此遞陞官職較原銜轉大其中不無徇
情冒濫是以前經降旨將保奏停止今思伊等罪名輕重年分久暫
不一亦有才具尚堪効用者若概不予以自新之路勢必久留邊地
廢棄終身亦非愛惜人材之意着軍機大臣會同該部將現在新疆

各項官犯查明原案核其情節輕重年分久暫應如何分別准其保
奏不准保奏之處悉心妥議定立條例具奏候旨遵行其發往軍臺
人犯亦著一体查明辦理以示朕法外示仁于矜恤之中仍寓勸懲
之至意欽此

揀選知府

吐論

吏部為欽奉

上諭事乾隆五十九年二月十一日奉

上諭本日因西安府知府調補所遺員缺軍機處記名之員已經陸續
用竣無人補放命查各省屬員賢否清單各督撫所奏俱至知府而
止惟秦承恩奏到單內將直隸州知州列入檢閱單內有商州知州
鄧夢琴在任有年且係該撫本年卓荐之員遂將該員簡放但該撫
單內列入直隸州知州究與定例未協嗣後年底具奏屬員賢否清

上諭吏部

揀選知府

五十九年春卷三

單仍著各督撫按照定例將知府以上各員切實出考密行陳奏外
此次著各省督撫于所屬員直隸州知州同知內揀選才守兼優老
成明幹堪勝方面者各保一二員送部引見預備簡用該督撫務須
秉公遴選不可因有此旨逾數多保致占特用部選之途尤不得徇
情濫舉將不能勝任人員列入充數若各督撫不加慎選將來引見
請訓時經朕看出才具平庸及陞擢知府後有貪酷劣蹟惟該督撫
是問欽此

乾隆五十九年三月十四日到

襄陽縣巡檢衙署失火巡檢蔣起緒搶出印信之後復冒火
入室負母趨逃猝被烟迷倒地其妻子上前拉救一同燒
斃賞給銀一百兩料理歸籍長子蔣福基以巡檢即用

乾隆五十九年三月初七日奉

上諭據畢沅等奏襄陽縣巡檢衙署失火該巡檢蔣起緒將印信搶出
之後復冒火入室負母趨逃猝被烟迷倒地其妻子上前拉救亦一
同燒斃等語該巡檢蔣起緒因衙署失火既將印信搶出復因救母
情急冒火趨救以致燒斃情殊可憫着加恩賞給銀一百兩交該巡
檢家人俾得料理歸籍其長子蔣福基並着以巡檢即用以示體恤

上諭吏 宗

襄陽縣巡檢衙署失火一

五十九年春季四

欽此

保定再留任三年衡齡賞還知府原銜仍護理江西鹽道

乾隆五十九年三月十七日奉

上諭據董椿奏湖廣江西口岬向來不免墮銷缺額近年以來湖北鹽道保定江西護理鹽道衡齡督緝認真官引得以暢銷等語保定現屆六年俸滿例應調取來京引見今該處離務正資調劑未便遽易生手保定著再留任三年且不送部引見以資駕輕就熟衡齡前于知府護理鹽道任內所報銷數不寔部議降調今護理江西鹽道事務該員等當倍加奮勉著加恩賞還知府原銜仍令護理江西鹽道事務該員等當倍加感激實力妥辦以期官引源源暢銷毋得始勤終怠致滋貽誤欽此

上諭 吏 索

保定再留任三年一

五十九年春季五

纂修吏部處分銓選則例告成供事議叙
吏部為奏

聞事先經臣部以滿漢銓選則例品級考並處分則例自前次告成以後迄今已逾十年節經欽奉

諭旨著為會典暨部臣奏准載入則例遵行並內外臣工條奏各事件內有今昔異宜輕重偏畸應行酌改之處奏准修輯所有提調纂修並所需供事一切章程清漢全書均做照上角奏明之案辦理等因奉旨乾隆四十七年以後至五十八年欽奉

上諭及內外臣工條奏事件臣等督率提調纂修等官悉心校閱凡有

條奏

吏 柰

纂修吏部處分一

五十九年春季六

開銓選處分者逐一考核遵照增輯其例內有今昔異宜以及輕重偏畸應行酌改之處即經臚列具奏欽奉

硃批諸凡皆妥如議行欽此欽遵現已纂輯成帙按照原纂門類歸款統計六十九卷謹繕

黃冊進呈恭候

欽定至此纂輯則例除臣等及提調纂修等官不敢仰邀議叙外所有在館供事四十名檢查檔案繕寫一切書冊及紙張飯食等項均係自備資斧奮勉出力仰懇

主恩照例給予議叙以示鼓勵如蒙

命允臣等查照定例分別辦理再此次進呈

黃冊恭呈

御覽後其應辦理清漢全冊均照上屆之例辦理合併陳明謹奏乾隆

五十九年三月初十日奉

旨知道了欽此

吏部為欽奉
嗣後州縣缺出如合例人員照例具題不得專摺濫保

上諭事乾隆五十九年三月十一日奉

上諭向來各省督撫于所屬州縣缺出往往專摺奏請陞調補用其與
例不合人員經部議駁後朕多有特降諭旨准行者乃近日各省督
撫因有此例巡不問員缺之是否寔係煩要邊遠率將與例不符之
員特行專摺保奏以冀即用寔于銓政有碍因每批吏部議將應准
應駁之處照例分別核辦並令軍機大臣于題奏時將地方之是否
實係邊遠煩要該員是否與例符合覆加查核夾片聲明今閱所保

上諭市案

嗣後州縣缺出一

一十九年春季八

之人多係與例不符而地方亦非盡屬繁要以此濫行陳請督撫等皆得用其私人易啟夤緣倖進之漸殊非慎重官方之道至合例人員原可具本題請乃督撫等近亦俱專摺陳奏不過敷衍奏數以見其急公辦事亦屬無謂嗣後州縣缺出如合例人員俱着照例具題缺分關係緊要其不可待者仍准一其摺遞奏由該部按例辦理軍機大臣覆行查核于本內夾片聲明如係要缺原可特降諭旨俯允所請如係濫行保奏經部議駁亦祇得照議准行但和珅即係軍機大臣管理吏部事務如或部中有意從苛軍機大臣亦隨同迴護部議自難逃朕之洞鑒若督撫等違例專摺濫保有營私瞻徇情事各

省俱有現任科道等員其缺分之是否緊要保奏之是否公當伊等皆係本籍必有見聞易于知悉一經糾恭得寔則惟該督撫是問如此辦理庶督撫等知所顧息不敢藉詞瀆請而部臣及軍機大臣按例稽核亦不能有所迴護此朕于公而益求其公詳而益求其詳之意于銓政官方益昭慎重耳縣臆分軫小非大更可比但人才難得固不可濫列荐剝亦不可稍有抑塞此朕用人不得已之苦心內外大臣皆當仰体朕懷秉公矢慎以副澄叙權衡至意欽此

乾隆五十九年四月十九日准到

各部院漢印中御史將歷俸已滿二年者保送以知府簡用
乾隆五十九年二月十二日奉

上諭各部院漢印中論俸截取者向例本係二年嗣因太速降旨改
定四年原所以慎甄別而杜躐進現在京察及外省記名知府人員
已陸續用竣所有各部院應用知府之漢印中及御史等着暫照向
例令該堂官等將歷俸已滿二年核其才具堪勝外任者分別煩簡
送部截取帶領引見候朕酌量簡用欽此京報

訓飭將俸滿二年截取漢員堪勝繁缺者即先行保送一二
人其各部中如無俸滿二年截取者亦准其于滿漢司員
內核其才具堪膺繁缺知府者酌量保送一二人一併帶
領引見

乾隆五十九年二月二十八日奉

諭昨因記名人員現已用竣特降旨令各部院堂官將歷俸已滿二
年之漢員堪勝外任者分別繁簡送部截取帶領引見並令各督撫
一 所屬直隸州知州同知內各保一二員送部引見預備簡用但現
在外省知府缺出已有奏請簡用者而各省保送人員未能即時到

部而各部院截取送部者亦尚在查辦需時未免懸缺以待即着六部堂官于現在俸滿二年應行截取之漢員堪勝繁缺者即先行保送一二人迅速帶領引見其各部中如並無俸滿二年應行截取者亦准其于滿漢司員內核其才具堪膺繁缺知府之員酌量保送一二人一并于後日帶領引見以備簡用欽此

督院書麟等奏江寧府知府將和騰額調補述德補授廬州

府胡觀瀾仍留江蘇候補

乾隆五十九年四月初七日奉

上諭前據書麟等奏到江寧府知府缺出當經降旨令該督尋揀員調補所遺員缺即以在江候補之胡觀瀾補授矣今據書麟等奏請將和騰額調補江寧府知府所遺廬州府知府員缺請將候補知府述德補授等語着照所請和騰額准其調補江寧府知府至述德在安徽省補年久且和騰額調補所遺之廬州府知府員缺胡觀瀾籍隸安徽例應迴避所有廬州府知府員缺着述德補授胡觀瀾著仍留于

上諭吏部

督院書麟等奏江寧府一

五十九年春卷十二

江蘇候補欽

乾隆五十九年春季條例目錄

戶例

直隸山東河南三省因災帶緩之銀俱加恩寬免十分之三
楊芬港地方倘有龍舟雜技戲劇徒滋糜費賞銀三萬兩

長蘆山東未完鹽務六限三限及帶徵五限川餉並本年正

項餘引票銀統行接展三年分年帶徵

龍江西新等關短少盈餘銀五萬餘兩監督等賠銀二萬兩

餘加恩寬免處分並免

創夫所欠借項銀十六萬三千餘兩普行豁免嗣後進山務

戶部
戶目一

五十九年春季三

條目

宜盡力創挖毋得藉詞憚遠拖延官項

嗣後因公核減借欠等項本係分賠代賠查明結報家產盡
絕無力完繳者照例題豁毋庸再于同案各員名下攤追

直隸山東河南三省因災帶緩之銀俱加恩寬免十分之三
乾隆五十九年正月二十日奉

上諭上年雨暘時若各省年穀順成新正應行加恩地方甚少因令直
隸各該督撫將因災帶緩未完之項據實查奏嗣據各督撫奏到俱
係明年因災輟轉停緩徵未及限均屬實欠在民等語此內直隸山
東河南三省因災經被旱歉收節次降旨加恩分年帶緩正小民迭
荷渥恩一遇豐稔之年自必輸將恐後但節年遞欠為數較多恐民
力不無拮据所有直隸山東河南因災帶緩原限應扣至甲寅乙卯
丙辰年徵收之銀俱着加恩寬免十分之三該督撫務須遍行曉諭

上諭 戶 案 直隸山東河南三省 五十九年春卷十四

咸使周知毋任蠹吏奸胥侵欺隱射俾小民共沾實惠閭閻生計足資饒裕以副朕行慶施恩敷錫春祺至意該部即遵諭行欽此

楊芬港地方備有龍舟雜枝戲劇徒滋糜費賞銀三萬兩

乾隆五十九年四月初五日奉

諭朕此次臨蒞津淀原為出令時巡省方問俗並非為遊玩適情屢經降旨諭令該督等毋許于沿途備辦掛當點綴等件以致無益妄費乃本日駐蹕楊芬港地方該督等尚備有龍舟及戲劇雜枝踵事增華徒滋糜費殊非仰體朕問民疾苦黜華崇寔之意本當將該督等治以應得之罪但念伊等職司地方因朕翠華臨幸藉以行忱效悃亦屬出于愛戴之心姑從寬免其寃處已將龍舟等件飭令概行屏除外至此項費用曾據該督等奏係捐廉辦理第恐地方官吏有

上諭戶部

楊芬港地方備有龍舟一

五十九年春季五

借詞累及闕闡情事着子長蘆應解內務府款項內賞給銀三萬兩
以為楊芬港預備龍舟及各項點綴之用該督等宜益加感愧毋任
屬員等絲毫派累以副朕屏絕浮華省方施惠至意欽此

長蘆山東未完鹽務六限三限及帶徵五限川餉並本年正

項餘引票銀統行接展三年分年帶徵

乾隆五十九年四月十三日奉

上諭長蘆山東鹽務商本素非饒裕節經加恩調劑以紓商力今翠華
臨蒞天津蘆東各商俱情殷瞻就踴躍歡忭具見惻忱自宜特沛恩
膏以敷愷澤所有長蘆山東未完六限三限緩徵及帶徵五限川餉
並本年應完正餘引票銀三百八十八萬餘兩着再加恩于各原限
屆滿奏銷後起限統行接限三年分年帶徵俾商力益臻饒裕以示
朕行慶施惠有加無已至意該部即遵諭行欽此

上諭戶部

長蘆山東一

五十九年春季六

龍江西新等關短少盈餘銀五萬餘兩監督等懇銀二萬兩
餘加恩寬免處分並免

乾隆五十九年三月十二日奉

上諭戶工二部議覆龍江西新等關徵收稅課一年期滿共短少盈餘
銀五萬兩千餘兩著落該監督等照數賠補並交部議處等語固屬
照例辦理第念該處上年春夏陰雨連綿商販希疎江湖水寬溜急
到關應稅稀少以致盈餘比較不敷尚係實在情形所有此次西新
關短少戶稅盈餘銀二萬二千二百餘兩龍江關短少工稅盈餘銀
二萬九千七百餘兩共核計銀五萬二千餘兩著落該監督等賠補

上諭戶

奈

龍江西新等關

五十九年春季

小民亦當具有天良倍加感奮嗣後進山務宜盡力刨挖毋得藉詞
憚遠拖延官項如敢仍前廢玩必當從重治罪該將軍等仍宜隨時
稽察分別勸懲勿任再有拖欠致滋弊端至該處務廢弛已久從
此稽查辦之後亟須實力整頓妥協辦理新任將軍寶琳人尚老成
向來辦理亦屬認真但于參務寔係生手秀林曾任吏部司員擢任
副都統尚能辦事現在查辦此案一切利弊又所深悉將來參務事
宜著青成秀林會同妥辦以期日有起色不得仍似從前觀望因循
以副委任餘依議欽此

嗣後因公核減借欠等項本係分賠代賠查明結報家產盡
絕無力完繳者照例題豁毋庸再于同案各員名下攤追
戶部為傳付事浙江司案呈准廣西司付稱奉

上諭前因內外各官員名下有攤賠代賠銀兩及八旗綠營兵丁內有
祖父應賠銀兩于子孫所得餉銀內坐扣者此項銀兩究屬因公特
令軍機大臣查明未完數目的量加恩嗣擬分別開單具奏內已經
離任各員因賠銀兩具報家產盡絕及無可着追者七十一案共未
完銀十七萬四千九百餘兩八旗綠營兵丁應行坐扣餉銀者七十
八案計應加繳銀十九萬三百餘兩又原任都統索諾木策凌等各

員名下共未完賠項十九萬七千七十餘兩因已經治罪查抄無力完繳一併開單請旨朕詳加披閱此等應賠銀兩有關係項本應着落照數完繳第念各該員等緣事降革離任後業據各該旗籍結報家產盡絕並查明無力完交而兵丁等所得餉銀為數有限若再行坐扣未免生計拮据其另單所開之原任大員六員俱已治罪查抄無可着追着將查出各該員名下未完應賠銀兩及兵丁應扣餉項共五十五萬九千八百餘兩一併加恩概行豁免以示朕格外施仁曲加優恤至意嗣後因公核減借欠等項各該員本係分賠代賠經地方官查明結報家產盡絕無力完繳者並着照例題豁毋庸再于

同案各員名下攤追用溥恩施而昭休恤欽此

乾隆五十九年三月二十六日准到

戶部

嗣後因公

乾隆五十九年

乾隆五十九年春條例目錄

禮例

各省學政考試有無劣蹟年終陳奏時自應就見聞所及據

寔直陳

定郡王晉封親王

經筵禮儀

琉球國此次恭進謝恩方物准其賞收下次當優加錫賚

訓飭來年國慶毋庸舉行慶典八月萬壽亦不必舉行

湖濱畢在紫泉接駕御賜詩章畢沅恭和原韻

禮例

禮目一

五十九年春季十一

各省學政考試有無劣蹟年終陳奏時自應就見聞所及據

寔直陳

大學士公阿 大學士伯和 字寄

各省督撫 乾隆五十九年正月初七日奉

上諭前因各省學政考試生童於衡文取士未必悉能公當是以降旨
令各督撫將該學政在任有無劣蹟之處於年終陳奏一次原以重
防閑而嚴察核乃近年以來各督撫於學政考試多以並無劣蹟一
奏了事竟若具文若果如所奏則從前如謝墉吳玉綸潘曾起徐立
綱等之聲名平常致滋物議者又獨非該督撫具奏無劣蹟之學政

二 禮 索

各省學政一

五十七卷卷二十二

乎是各省學政中清慎自矢甄拔得當者固不乏人而開防不密約束不嚴甚或有敗檢營私之事者亦在所不免各督撫近在同省無難訪察得寔於年終陳奏時自應就見聞所及據寔直陳方為覈實之道若不問其平日聲名若何率以並無劣蹟具奏竟成印板文章又安用該督撫查奏為耶今各該督撫相沿故套率以虛詞敷衍塞青朕亦姑置之不論後將來學政中有營私舞弊之事或經朕訪聞或被科道叅劾一經發覺惟該督撫是問不僅姑以徇隱之罪也將此通諭知之欽此遵

寄信前來又另單內開貴督接奉後即照抄三分知會江蘇安徽江

西巡撫一体欽遵可也

乾隆五十九年正月二十四日准 都院札會

定郡王晉封親王

乾隆五十九年正月二十日奉

上諭定郡王縣恩為皇長子永璜之子皇長子為皇考長孫縣恩於現在
諸皇孫中又年最長自派晉旂營諸務以來謹慎妥協甚為得力着
加恩晉封親王綿恩當益加勤勉倍矢虔恭以期仰承恩眷欽此

禮 祭

定郡王晉封親王一

五十九年春卷十四

經筵禮儀

禮部為禮儀事恭照本年二月初四日巳時舉行

經筵禮儀是日滿漢講官俱補服袍用蟒袖及侍班

內閣滿漢大學士六部滿漢尚書侍郎都察院通政司大理寺詹

事府滿漢堂官各一員各具補服至

文華殿丹墀西旁序立侍儀滿漢給事中各一員滿漢御史各一

員補服于西旁稍後立

起居注第四員補服立于西階下鴻臚寺官預設

皇上書案及講官講案翰林院官將

禮

祭

經筵禮儀

五九年春季三五

奏

御覽講章正本又講官所講副本預設案上四書講章在左經講章在

右至時臣部堂官奏請

皇上

御常服乘輿出

官前引大臣二員導引由

景運門詣

文華殿

皇上于殿前丹陛上降輿進

寶座

起居注官陞西階入

殿右門立于西柱之西講官及侍班官聽鳴贊官贊行二跪六叩禮

鴻臚寺堂官二員分引各官由左右階進殿內滿漢講官于東柱

前立漢講官于西柱前立滿漢侍班官各按衙門于滿官後左右

序立侍儀科道于東西階相向立鳴贊官贊進講講官各從原班

出進至講案前行一跪三叩禮退立原班滿講官進前講四書次

漢講官講四書畢退立原班

皇上宣講

御諭各官面北跪聽畢與滿講官進前講經次漢講官講經畢退立原

禮

祭 經筵禮儀二

五十九年春季二

班

皇上宣講

御論各官面北跪聽畢鴻臚寺堂官引講官及侍班官至丹墀西旁排

立聽鳴贊官贊行二跪六叩禮臣部堂官奏經筵禮成

皇上由

文華殿

御文淵閣各官進侍

閣內列班

賜茶畢

皇上才興還

官翰林院恭

進講章正本交內監收進各官于

文華殿東配殿

宴和聲鼓樂作歌抑戒之詩光祿寺司官行酒供饌如儀是日令臣

部堂官一人主宴派護軍統領一員護宴宴畢鴻臚寺堂官鳴贊

官引各官至

太和門外謝

恩行一跪三叩禮禮畢衆皆退為此具

祭禮 柰

經筵禮儀三

五九年春李二七

奏奉

旨依議欽此

琉球國此次恭進謝恩方物准其賞收下次當優加錫賚

乾隆五十九年正月三十日奉

上諭禮部奏琉球國使臣呈稱國王此次恭進謝恩方物照五十五年
准予賞收免抵下次正貢等語該國王因前次特賜福字如意等件
專遣使臣呈進方物向來俱令抵作下次正貢原以昭体卹省陪臣
之勞往來而示柔懷今據該使臣呈稱伊等臨行時國王再三囑令
將所進方物懇請准予賞收免抵下次正貢具見該國王抒忱效悃
誠懇可嘉所有此次呈進方物既已賞收著照所請下次正貢時仍
賞優加錫賚用彰厚往薄來至意該部即傳諭該使臣令于回國時

上諭禮

奏

琉球國此次恭進謝恩方物

五十九年春李六

轉告該國王知之欽此

訓飭來年國慶毋庸舉行慶典八月萬壽亦不必舉行

乾隆五十九年二月初四日奉

上諭我國家重熙累洽

列聖相承薄海昇平遐荒賓服朕繼膺統緒荷蒙

昊蒼篤祐于今五十九年惟日孜孜無時不以敬

天勤民為念乾隆五十五年屆朕八旬壽辰因內外大小臣工再三籲懇

舉行慶典曾降旨允其所請並飭令黜華崇實毋得遇事虛糜明年

乙卯正屆臨御六十年國慶中外臣工即有以福祚延長史冊罕觀

宜舉行慶典為請者朕初亦以國慶駢番王大臣等杼枕奏懇難以

上諭禮

李

訓飭來年國慶

五十九年春季元

一
回行拒却今思乙卯元旦且適逢日食近復查是年上元又值月食
之期雖日月薄蝕躔度本屬有定數千百年前皆可推筭而得所謂
千歲之日至可坐而致者但以新正一月之間朔望俱有虧食此正
上天象示儆之意且京師自上年冬初得雪迄今未霽祥雲朕盼澤佳
勞虔誠祈禱尚未得澍澤惟求其故或即此欲往舉行慶典之一
念已近于滿假以致不能感召麻和而明正朔望實有日月虧食之
事不可不彌懷寅畏亟思脩省所有乙卯年慶典着毋庸舉行是年
八月朕仍駐蹕熱河不復照五十五年之例先期回京受賀朕幾改
過不吝若過而不改則為過滋甚如內外大臣尚有未喻朕意再行

天心協應

素請者朕必不加允准並當治以應得之罪此不特王大臣等為朕
股肱咸宜善體朕意即天下臣民亦當共見共聞者朕現因雪澤未
霽省愆思過宵旰靡寧或者持此一念可冀

鴻恩克臻俾閭閻咸登樂利是則朕所期望而不敢必者也若天下臣民
以乙卯年停止慶典無由伸其愛戴之忱意有未愜將來丙辰年歸
政後遇朕壽辰彼時嗣皇帝以天下養率領臣民為朕祝嘏介釐以
洽輿情而昭盛與原無不可朕此時則惟有倍加乾惕勤政愛民不
敢以時際隆平稍涉鋪張致殆盈滿之戒將此通諭知之欽此

駕當蒙

湖督畢 于三月十五日在紫泉接

湖督畢 在紫泉接 駕 御賜詩章畢 恭和原韻

召見奏對良久

賜坐賜食十六日復在紫泉

召見奏對良久

賜坐賜食十七日在趙北口復

召見奏對良久

賜坐賜食傍晚

祭禮

祭

湖督畢

在紫泉接 駕一

五十九年春至

何奏

賜御製詩章

命恭和原韻在軍機處

令中堂軍機大人監視面試呈進後內侍傳

旨詩甚好當

賜福橘一盤十八日在趙北口送

駕

上諭即回湖廣本任

欽賜湖廣總督畢詩章

署陝督湖倚經理 畢沅昔為陝撫時曾著陝計

擢任湖廣總督數年以來統率有方深資倚任

三春親駕迅時哉不為已甚去其甚亦曰惜材竟得材 王宣望在

甘肅藩司任內捏災昌賑侵欺舞弊釀成巨案畢沅曾屢署督篆未

免亦有失察狗庇之咎彼時降其頂帶仍留陝撫之任蓋朕從不為

已甚且亦因愛惜人材故僅示薄懲而伊亦甚知感懼自此倍加謹

奮今竟頓覺改觀

嘉爾改觀資統率茲予巡躡漫隨陪 辛亥年伊亦于春間來京入

覲迅閱三年又已循例請覲昨于紫泉行宮接駕連日召見而伊懇

祈隨往天津既已無可訓諭何必僕僕道途今日在趙北口已令其

茶禮 奈

湖督畢

在紫泉接駕二

五十九年春五三

回任矣

連年逢歉誠汝福 湖北湖南連年檢收固小民之幸亦即伊之福也
盼雨焦心過孰推 畿輔近日亟望甘膏朕惟切之餘亦引為己過
耳

湖廣總督畢 恭和

御製詩原頌

述職欣逢


展儀日共咨農事盼康哉自維負疚孤

疎澤仰荷

裕全愧薄材左輔茅簷資補助春郊

翠輦幸追陪

披衣五夜勤民意靈兩宵零理可推



同治元年正月...

乾隆五十九年春季條例目錄

兵例

定海之五奎山添設營汛移撥弁兵以重巡防

循例奏摺祇須差弁賫遞毋得由驛奏報

嗣後文武各員遇有承緝降調處分察其居官尚屬可用者

把總即以經制外委補用不准食餉文職未入流准其留

任者亦不得支領廩俸

各省弁兵該管官應嚴行約束

定海之五奎山添設營汛移撥弁兵以重巡防

大學士公阿 等謹奏為遵

旨會議具奏事乾隆五十八年十一月二十四日内閣抄出閩督伍
等奏附近定海之五奎山酌請添設營汛移撥弁兵以重巡防
摺于乾隆五十八年十一月二十二日奉

硃批軍機大臣會同該部議奏欽此據閩督伍 等奏稱切臣等前奉
諭旨令將定海珠山一帶島嶼情形查明妥辦茲查得珠山即定海之
舟山距縣城五里舟山對岸有島一座名曰五奎山與舟山相隔
洋面六里峰勢環抱高出衆山向來由外洋起定海船隻必由此

奏兵 奈

定海之五奎山一

五十九年春

山經過山脚下臨海港可以泊船較之各島與最開緊要若于此處安設營汛撥兵戍守可與舟山近成犄角之形遠收瞭望之益理合奏明請

旨于五奎山另設一汛即于定海鎮標中左右三營內抽撥兵五十名派千總一員率領駐扎該處以資防守並撥駕營船往來巡哨庶近島要地駐守官兵聲息聯絡並可憑高瞭望于海疆巡察不無裨益如蒙

俞允容臣等將添蓋營房建立炮臺等事宜另行妥議具奏等因前來臣等伏查海洋地面凡島嶼緊要者自須設汛安兵俾聲勢互相

聯絡方足以資控扼而便巡防今據該督等奏稱珠山即定海之舟山其對岸之五奎山請添設一汛撥兵駐守等因查五奎山與舟山相隔洋面六里峰勢環抱高出眾山全洋島嶼俱可瞻望且向來外洋船隻前赴定海者皆于此山停泊實為扼要之區自應如該督等所請准其添設營汛即于定海鎮標中左右三營內抽撥熟習水性諳練舟師之兵五十名派千總一員率領駐扎以之巡緝並令撥駕營船往來巡哨庶近島要地聲勢聯絡洋面益臻寧謐但此項兵丁若令常川駐扎惟恐日久怠玩巡察或致廢弛五奎山距縣城僅止十餘里應令該督等按地汛弁戍兵之例每

仙奏

屆半年于該鎮標內輪流抽撥更換一半庶新舊接替不致久而
生懈寔于海疆有裨如蒙

俞允

臣等交部行文該督等將添蓋營房建立炮臺各事宜另行妥議
具奏到日再行核議所有臣等會議緣由理合恭摺具奏乾隆五
十九年正月二十三日奉十二日奏

上日依議欽此

循例奏摺祇須差弁賚進毋得由驛奏報

大學士公阿 大學士伯和 字寄內開乾隆五十九年二月十

一日奉

上諭

本日惠齡有由驛奏報之摺朕以為係何等緊要事件及至拆閱
後祇係漕船掃幫出境日期此等循例奏聞之事祇須差人賚進或
令該弁在途加緊行走即可無悞乃該撫竟由驛馳報殊屬無謂曰
前姜晟陳淮亦有奏到漕船出境之摺俱係由驛馳遞近來各省督
撫往往于無關緊要之事動輒發報以見其辦事急公而不計其徒
勞驛傳姜晟陳淮惠齡俱著傳旨申飭嗣後除緊要事件外如此等

兵 李

循例奏摺一

五十九年春卷世

循例奏摺祇須差弁賫遞毋庸由驛奏報以清郵政而節繁費將此各諭令知之欽此遵

音寄信前來又夾片內開

諭旨一道接奉後即照錄三分飛咨

江安江巡撫一体遵奉可也

乾隆五十九年二月二十五日准 督院札會

嗣後文武各員遇有承緝降調處分察其居官尚屬可用者把札即以經制外委補用不准食餉文職未入流准其留任若亦不得支領廉俸

兵部為遵行事職方司察呈內閣抄出奉

上諭一道相應刷單行文該撫轉飭所屬欽遵辦理可也

計刷單一紙

乾隆五十九年二月二十六日奉

上諭據長麟奏請嚴水師監哨及汛弁降補各章程一摺所奏尚是已依議批交該部知道矣至摺內稱把總因盜案降調其平日居官尚

上諭 兵 柁 嗣後文武各員一

五十九年春季世

屬可用者若准其仍留原任該弁等恃有此例未免心存玩視應請先以經制外委補用不得仍留把總原任等語向來武職承緝盜案限滿無獲例應降調之把總因其無級可降例得詢問居官該督等但查其平日居官尚好若仍准留任即文職內未入流一項無級可降者亦係如此辦理而各省督撫徃往以平日居官尚屬可用咨部留任是此等承緝不力人員徒有降調之名無懲戒之實摠由該督撫等意存姑息不能嚴行察核率請留任以致該員弁等無所顧畏于承緝案件不肯認真出力國家愛惜人材如緣因公處分尚無大過者原可棄瑕錄用若此等微末員弁其才具既非必不可

少之人且業有應得處分亦無足惜是長麟徒博嚴核之名而忘其辦理自相矛盾之寔嗣後文武各員內職分較小無級可降者遇有承緝降調處分除居官平常者照例升革外其經該督撫等察其居官尚屬可用者把總即以經制外委補用不准食餉至文職之未入流一項即使准其留任亦不得支領廩俸如革職留任之例四年開復庶該員弁等知所做畏于一切承緝案件不敢稍存怠玩以示懲罰而專責成欽此

乾隆五十九年四月十三日准到

各省弁兵該管官應嚴行約束

上諭一道

兵部為通行事職方司案呈內閣抄出奉

上諭一道相應刷單行文該撫轉飭所屬一體遵照可也

計刷單一紙

乾隆五十九年三月初七日奉

上諭長麟奏駐扎海陵砲臺把總陳耀祥向民人曾開華圖詐妄拿隨

帶兵丁放鎗致斃曾開昂曾亞底二命並鎗傷曾懷造刃傷曾紹和

一案審明圖詐屬實將把總陳耀祥照光棍為首例擬斬立決放鎗

上諭 兵 案

各省弁兵一

五十九年春奉

乾隆五十九年春季條例目錄

刑例

富綱等奏拿獲行劫夷境客商盜犯分別獎賞議叙

劫盜重案及二命以上問擬立決專摺具奏者將原奏供詞

另抄一分具咨交摺差于抵京進摺之前一日先投本處

內地尋常穿犯止應按律問擬不得率肆從重辦理

審擬案件不得概請從嚴 上諭

嗣後洋盜案內被脅服役之犯俱即隨案定擬發遣回疆為

奴監候待質之案已屆十年查明咨部核辦

刑例

案

刑例

五十九年春季四

彙奏改咨事件于每季十月截數咨報軍機刑部均限十二月初間咨齊

福康安等奏密摺吉林參務虧缺庫項勒派民戶一案

嗣後拿獲盜清人犯審明並無過犯取具保結免予治罪

辦理罪名如情節較重止應照本罪定律加一等問擬不得

有意從重越等加增

撫院奇 奏奏金匱縣知縣邵颯望亭司巡檢潘鶴亭監放

穀石辦理不善為書役人等冒領釀成命分別革職詳任

富綱等奏拿獲行劫夷境客商盜犯分別獎賞議叙

乾隆五十九年正月二十日奉

上諭據富綱等奏拿獲行劫夷境客商連殺事主四命之首夥盜犯審

明辦理一摺此案黃小二等於土司地方糾夥行劫過客將事主及

挑夫四人立時殺死情殊兇惡該督等於審明後即將該犯正法所

辦甚是至土巡檢軍朝鼎奉檄緝拿即能訪出盜踪會同營弁將盜

犯三名拿獲署緝寧通判張德基於隣境盜犯亦能留心緝獲俱屬

奮勉除土巡檢軍朝鼎業經該督等獎賞外仍賞緞二疋署通判張

德基著交部議叙以示鼓勵其會同緝拿此案盜犯之營弁亦着該

上諭刑 奏

富綱等奏拿獲行劫夷境盜犯一五十九年春卷四三

等查明咨部分別議叙欽此

劫盜重案及二命以上問擬立決專摺具奏者將原奏供詞
另抄一分具咨交摺差于抵京遞摺之前一日先投本處
軍機處咨照得各直省遇有劫盜重案及二命以上問擬立決專
摺具

奏者均奉

旨交本處會同刑部即日核擬速奏各省間有抄錄原奏供招先期咨
部者亦有于具

奏後再行補咨者辦理殊未盡一副後遇有前項重案除照例仍先
咨刑部外務將原奏供詞另抄一分具咨交摺差於抵京遞摺之

條
刑
宗

劫盜重案

五十年春等四

前一日先投本處其由驛遞者亦照此加具咨文另投本處以便
核案要辦方無舛悞又夾片內開貴督接到後即照錄移咨江蘇
巡撫照辦

乾隆五十九年正月二十二日准 督院咨會

內地尋常素犯止應按律問擬不得率請從重辦理

刑部為通行事江蘇司案呈准福建司傳抄欽奉

上諭一道相應抄錄行文該撫轉行江督河督漕督江寧將軍京口副
都統等處一體遵照可也

計連單一紙

奏

上諭昨據伍拉納等奏拿獲販私拒捕及奪犯毆差並輪姦婦女為從
案審明定擬以各該犯情節較重俱請旨即行正法經軍機大
臣會同該部核議以拒捕毆差兩案均係傷而未死其輪姦一案止

上諭刑 柰

內地尋常素犯一

五十九年春卷四五

係為從之犯若驟行從重問擬立決則拒捕傷差致斃人命及輪姦起意為首之犯于法轉無可加俱按律擬以監候已依議行矣前因臺灣地方民情犷悍屢經滋事不可不嚴加懲創如遇有械鬪聚與情罪重大等案按律定擬後應從重即行正法原以該犯等怙惡不悛特從嚴辦以儆兇頑而馴桀驁俟數年後該處民風稍知斂跡畏法尚欲施恩仍照向例辦理其餘內地尋常案犯原不應擬行從重今伍拉納等乃于尋常拒捕輪姦等案亦一律以情罪較重奏請即行正刑誅所辦殊屬過當該督撫等身任封疆于審擬案件惟當準情酌理期于平允固不當稍事寬縱亦豈得有意從嚴乃近來督撫弄失之處當即失之不及或因有一案經朕改輕即遇案不免心存寬宥若有案經朕監即不問情罪之是否允當概行從重定擬如伍拉納等此次審擬各案豈得為情法之平而今日又越伍拉納等奏稱殺詐贓斃命一案亦請即行正法經部議以死者本係罪人王常並非例應絞決之犯仍應按例定擬亦已依議行矣是伍拉納等于內地案犯率皆從重辦理殊屬非是伍拉納浦霖俱著交部察議嗣後該督撫等辦理案件除臺灣瀟泉地方械鬪聚眾等案仍照舊嚴辦外其內地尋常案犯止應按律問擬不得率請從重遇事深刻以副朕明罰勅法慎恤持平至意欽此

乾隆五十九年四月二十一日准到

審擬案件不得概請從嚴

上諭 創正十八年三月十日

大學士公阿 大學士伯和 字寄

各省督撫府尹 乾隆五十九年二月二十五日奉

上諭 馮光能覆奏接奉諭旨地方如遇糾眾肆劫重大案件自應將法
無可貸之犯立正刑誅等語從前所降諭旨原因湖北省匪犯楊應
子等疊次搶劫聚至數十人之多情罪極為重大是以令將為首各
犯於審明後一面奏聞一面辦理不得拘泥請旨轉致別生事端近
因烏拉納等將內地尋常案犯亦照臺灣漳泉械鬥聚眾之案從重

刑

案

審擬案件一

五十九年春李四七

旨寄信前來

乾隆五十九年三月初十日到

定擬立決寔屬過當已將該督等交部察議並特頒諭旨宣諭各督撫矣督撫等身任封圻于審擬案件當準情定罪期於情法得平若一案經朕改輕即意存寬宥一案改重即有意從嚴非失之過當即失之不及豈核寔持平矜慎庶獄之道嗣後各督撫當酌核案情權其輕重不得概請從嚴昨降諭旨甚明各該督撫當善體遵行毋致意存偏畸也將此各傳諭知之欽此遵行

嗣後洋盜案內被脅服役之犯俱即隨案定擬發遣

奴監候待質之案已屆十年查明咨部核辦

刑部為通行事江蘇司案呈准摠辦處傳抄前事一案相應抄單行文該撫轉行江督漕督河督江寧將軍京口副都統等處一體

遵照可也

計連單一紙

刑部謹

奏為請

旨事切照上年入冬後雪澤稀少

刑部

嗣後洋盜

五十九年春

條奏

皇上軫念民依

恩綸特沛令臣等將秋

朝審人犯情寔三次以上及緩決一次以上分別改緩減等業經臣

等陸續查辦奏

聞在案茲復屢蒙

垂詢現在案犯內如有情可矜原者即行查明具奏仰見我

皇上矜恤庶獄感召

和

清問殷殷有加無已之至意臣等查有監候待質一項或因証未可

或因正犯未獲以致久繫囹圄情稍可憫自乾隆五十年奏明查

辦一次迄今又屆十年臣部及各省間有此等待質之犯似應請

旨查辦又查得洋盜案內有被盜逼脅押令在舡服役之犯向例本應

擬遣嗣經改擬斬候監禁三年後再行發遣續奉

諭旨改為永遠監禁所有福建廣東浙江江蘇等省卽次拿獲盜案內

在奏

旨以前應監禁三年後再行發遣現在未滿年限者一百餘名其應永

遠監禁者三十九名查盜劫之案法無可貸者正法情有可原者

發遣此等被盜逼脅在船服役之犯並未隨同上盜較尋常情有

刑

案

嗣後洋盜

五九年春李四九

修奏

可原發遣盜犯情罪尚輕雖擬斬候已蒙

恩免其正法仍令久禁囹圄徒糜囚食將來日積日多恐不免壅滯之

虞亦應請

旨均予發遣以清監獄此項盜犯查照舊例應發里龍江給索倫達呼

爾為奴但里龍江遣犯已有五千餘名未便再行發往現據回疆辦事大臣等奏名城遣犯核計不過二百餘人尚可分撥安插且洋盜案內被脅服役之人多係懦弱無能之輩與邪教案犯不同無慮其在彼煽惑似可酌量發往回疆為奴如蒙

臣等將在部監候待質已屆十年之犯即行查明原案仍照原擬

分別發落其各省監候待質及福建等省被盜逼脅各犯行令各該督撫等查明咨部核辦並請嗣後監候待質之案如已屆十年陸續查明分別辦至洋盜案內並未上盜被脅服役之犯俱即隨案定擬發遣回疆為奴是否可行伏候

聖訓為此謹

奏請

旨等因乾隆五十九年二月初五日奉本日奉

旨依議欽此

乾隆五十九年三月初六日准到

刑

嗣後洋盜三

五十九年春季五

彙奏改咨事件于每年十月截數咨報軍機刑部均限十二

月初間咨齊

刑部為通行事江蘇司案呈准山西司傳抄欽奉

上諭

一道相應抄錄行文該撫轉行江督漕督河督江寧將軍京口副都統等處一體遵照可也

計連單一紙

奉

上諭向來各省彙奏各項遣犯有無脫逃已未掣獲係于年終彙查具奏次年正月始行奏到該部照例核擬至四五月中再由軍機處與

刑部

彙

彙奏改咨

五九年春季五

上諭
彙奏各款一併查核但此等照例彙辦事件陸續奏到參差不一辦理未歸簡易致案牘繁多不能明晰且軍機處需至次年夏季又查該部彙核具奏閱時既久亦恐不無遺漏嗣後各省彙查遺犯毋庸陸續具奏著于每年十月截數咨報軍機處刑部均限十二月初間咨齊即由軍機處大臣會同該部彙開清單于年底先行具奏仍交部分別核議具題庶辦理不致遲延查核更為周密再此外每年彙奏各款均著照此辦理欽此

乾隆五十九年三月初六日准到

福康安等奏審擬吉林參務虧缺庫項勒派民戶一案

乾隆五十九年三月初九日奉

上諭昨據福康安等奏將查審吉林辦理參務虧缺庫項勒派民戶一案分別定擬一摺此案前經副都統秀林查訊奏該管協領諾穆三託蒙阿早知此事破露必于查究先將擋冊私行改換並向同案人証及鋪戶等串合供詞希圖掩飾迨至福康安到彼傳提訊問在等預經商定遂而扶同供認數口如一誰肯首先吐露福康安等摺內聲稱遍加質對所供俱屬相符之處原不足信諾穆三託蒙阿經管參局有年參局一切事宜係其專辦乃並不妥協經理以致創夫

上諭刑案

福康安等奏審擬吉林參務一

五十九年春季三

借欠日重庫項虧缺滋多又復懲愚攤派累及無干民戶寔為此案
罪魁茲福康安等將諾穆三問擬斬候託蒙阿問擬發遣新疆固屬
將就完事此事因係參務近于言利是以朕不加深究即照擬完結
該協領等已為僕倖乃福康安等另片奏稱諾穆三等本身雖查抄
入官尚有兄弟親族擬請將該二犯照例監禁責令將現籌接濟創
夫銀三萬兩勒限措交准其減等發落等語寔不免意存開脫且近
言利矣即如福康安等查出諾穆三家貯內各有數千兩私銀存店
該犯等供稱俱係未虧官項以前先行入本及閱福康安等另摺又
辦諾穆三家住寧古塔置有產業典當資產而來移住吉林等語試

思諾穆三原住寧古塔久已安居樂業若非因吉林辦理參務可得
贏餘沾潤人情安土重遷又豈肯變棄產業遠去其鄉遷至吉林居
住即如兩淮商人在揚州貿易積有厚貲又豈肯無故將其鹽產概
行變賣遷住長蘆之理即此一端而論可見承辦參務之員顯有從
中沾潤之幸其存店私銀必非盡屬伊等資本乃福康安于此一節
並未一語究詰伊等辦事有年不應如此疎忽即以此詢之福康安
等亦無詞可對至恒秀身為將軍到任後明知參局虧短緣由並未
據寔參奏復私派無干民戶其罪寔無可諉試思各省地方官如有
虧短庫項私行攤派累及百姓者應得何罪福康安等豈不知之乃

僅將恒秀于託蒙阿汎罪上減一等問擬杖徒又以伊係宗室押帶
赴京交宗人府照例辦理顯係福康安與恒秀誼屬姑表弟兄有心
徇庇從寬定擬希圖含混了事至胡季堂因其係漢大臣無可瞻顧
是以派令前往會同審辦即云吉林官員多習清語伊未能通曉參
務亦非其素悉但如諾穆三祖居寧古塔若非貪圖參局沾潤因何
變產移居吉林此等情節顯然朕一經披閱即行看出胡季堂久辦
刑名豈竟見不及此乃亦置之不問是此事胡季堂松筠不過隨同
附和聯銜入奏又安用派令伊等前往會辦為耶福康安受朕厚恩
特加簡派自應秉公持正方為無負任使乃瞻顧親誼洵係屬員本

應治以應得之罪因念其辦理郭尔喀一事不辭艱險著有勞績是
以姑從寬宥但伊審辦此案種種瞻徇豈能于朕前調停混過若朕
必欲徹底根究無難再派和珅前往覆審設和珅又復瞻徇情面將
就完案朕即可提至京中親加研鞫一經得寔又何難一併治以徇
隱之罪朕特以此事寃因參務起見且不為已甚是以不復深加究
詰福康安胡季堂松筠着嚴行申飭至此案昨經福康安等奏到經
朕看出詳細指斥即令軍機大臣繕寫飭諭而軍機大臣亦復意存
瞻顧遷延觀望並未即日擬旨進呈現距歸政之期尚有二年朕一
日臨御即一日倍加兢業豈容大臣等顛頂從事阿桂和珅王大福

長安董誥俱着交部議處朕今年八十有四幸叨

是眷精神強固辦理庶務鉅細靡不躬親于臣下功過權衡至當雖現值
盼雀勞亦不肯因此倦勤稍有忽略且亦非因心不怡辦理從嚴也
內外大臣尤當仰体朕心倍思勤惕以期無負諄諄訓誡至意欽此

乾隆五十九年三月十三日奉

旨諾穆三依議應斬著監候秋後處決恒秀依擬應絞着監候秋後處
決至此歷歷任將軍副都統等辦理參務不能妥協因循掩飾以致
釀成積弊予以革職降調本屬罪所應得姑念伊等祇係理不善
尚無侵肥入己情事都爾嘉着革職從寬留任麟寧着降三級從寬

留任慶桂着降一級從寬留任那奇着降二級從寬留任素喜靈
泰俱着降一級從寬留任餘依議欽此



嗣後拿獲臺灣人犯等項並無過犯取具保結免予治罪

乾隆五十九年三月二十一日奉

上諭哈當阿等奏臺灣民人前次被賊脅從者業奉恩旨概行寬宥此
外尚有初曾為匪旋即長法自新而臺灣民風喜爭健訟因其人曾
經為匪多有呈請緝拿者若再追論前非置之重辟實覺情有可憫
等語此等民人于前次賊勢蔓延時力不能禦從而為匪寔由被賊
脅迫非有心從賊隨同抗捕者可比既經悔罪畏法遷為良善若復
追論前非置以重典既無以使之自新而臺灣民情健訟或因此挾
嫌訐告轉長刁風自應宥其既往量為寬貸嗣後拿獲此等人犯當

刑部 奏

嗣後拿獲臺灣人犯一

五十九年春季五六

明後如現在已為良善並無過犯即取具保結免予治罪如審有別
項過犯惟當查照現犯實跡分別按律辦理既不必追問前經從賊
之罪于曲宥之中仍寓懲創之道使前蹈重愆之徒益知爭自濯磨
勉為良善以示朕肆眚好生法外施仁至意欽此

辦理罪名如情節較重止應照本罪定律加一等開擬不得
有意從重越等加增

刑部為通行事江蘇司察呈准映西司傳抄欽奉

上諭

一道相應抄錄行文該撫轉行江督漕督河督江寧將軍京口副
都統等處一體遵照可也

計連單一紙

奉

上諭前因發遣各處官犯久留邊地特降旨令軍機大臣會同該部查
明各犯原案分別情節輕重年分久暫定立條例妥議且奏今又思

上諭 刑 案

辦理罪名

五九年春季五七

不特官犯為然即常犯內獲罪較重按律發遣新疆及免死減等者固屬罪所應得而其中有所犯本罪止于杖徒軍流經該部各督撫核辦時從重開擬新疆等處者亦復不少以致積年發遣之犯日積日多新疆難以安插因而改發黑龍江及各回疆等處似此有加無減設黑龍江等處後有人滿之患又將安插何處耶殊非矜恤之義現在春膏未溥正應省刑慎罰以期感召和甘嗣後該部及各督撫辦理此等案件除罪應發新疆及免死減等者仍照舊例辦理外如所犯情節較重僅按本律開擬杖徒軍流不足示懲者亦止應照本罪定律加一等開擬不得有意從重越等加增以昭平允所有現在已

經發遣新疆各等處官犯常犯着再交軍機處大臣會同該部一併查核如原犯案情係由杖徒軍流加重發遣新疆者即應分別減等辦理其本罪原係發遣新疆者應如何酌改年限予以減等之處一併會同妥議具奏俾久成人犯得以邀恩未激而邊疆重地亦不至日久壅滯多人所有軍臺人犯亦着一併照此核辦以副朕肆青宥過法外施人至意欽此

乾隆五十九年三月二十日准到

撫院奇 奏奏金匱縣知縣邵颺望守司巡檢潘鶴亭請分別革職
穀石辦理不善為書役人等冒領釀成命案著草職併任

乾隆五十九年四月初七日奉

諭奇豐額奏金匱縣知縣邵颺望守司巡檢潘鶴亭請分別革職
解任一摺此案先因巡檢潘鶴亭監放穀石辦理不善為書役人等
冒領以致釀成命案而知縣邵颺將地總之子徐照押禁多日並不
即時審辦迨徐照身斃後又不眼同屍親相驗還行棺殮恐竟有凌
逼致死別情雖經該撫派員覆檢但外省官官相護惡習彼此徇隱
案情究恐不實潘鶴亭著革職拿問邵颺即著革職交與該督撫即

諭刑

案

撫院奇 奏奏金匱縣

五十九年春季九

提集犯証秉公嚴審定擬具奏如該督撫瞻徇屬員有心開脫別經發覺恐該督撫等不能當其咎也摺併發欽此

蘇撫奇 謹奏為特奉任聽書役冒領社穀之巡檢暨不候屍親輒行驗殮之知縣請

旨

分別革職解任與原告質審以

功令事切照金匱縣地方因上年夏秋雨水稍多無力農民呈請借放社穀該縣知縣邵颺赴省面稟臣與藩司張 商酌飭令作速借放該縣當令地總徐再揚查造應領花戶清冊出具保結存案一面委令望亭司巡檢潘鶴亭赴倉監放詎地總徐再揚並未親

辦轉托副地吳耀宗造冊吳耀宗起意冒領遂于冊內捏添詭名十戶朦混請領時有巡檢衙門書識華佩祖弓兵李升亦生覬覦囑令吳耀宗捏造詭名六戶一併入冊希圖冒領九月十八日該巡檢放穀時吳耀宗冒領穀九石八已華佩祖等正在領穀即被花戶人等查出喊稟遣徐再揚之子徐照因伊父曾出保結恐干責處于十九日夜入該巡檢衙門討取保結該巡檢以結係官物未便私給徐照恃有護符當堂咆哮該巡檢詳縣提審徐照仍復咆哮該縣飭差錮押拘提應質人証審辦適徐照染患瘧疾該縣恐有捏飾于十月十四日擡至縣堂傳醫診驗患病屬實諭令取

刑 柰

撫院奇 奏奉金匱縣二

季九年春季六

條奏

保調治詎徐照病沉未回寓所即經病故該縣查傳屍親匿不到
案十六日飭令地保棺殮以致屍弟徐立山挾制架派凌逼致死
情形于十月十七日起司控告經臬司能批令常州府知府巴
哈布飭驗並委蘇州府知府馮昂高案提省會審又派總捕同知
葛建楚覆驗該府等訊明實係病故而徐立山又以屍被殘傷情
詞赴臣衙門翻控臣以徐照是否凌虐身死非檢驗不足為憑當
派蘇州府知府馮昂高常州府知府巴哈布海防同知汪廷昉覆
檢去後詎屍弟徐立山惟恐檢明坐誣又令伊母伊嫂俯棺攔驗
是該犯屢次赴省翻控又令婦女在縣攔驗不過為掩誣地步乃

詐已極非嚴行訊擬不足以警刁風而徐照屍身非檢驗明確亦
難成信讞除飭該府等帶領吏件詳悉檢明據實詳辦毋任再行
刁攔外所有巡檢潘鶴亭于書後方兵勝領社穀毫無覺察且恐
有串通情事知縣邵颿不候屍親眼同棺殮致放翻控事端辦理
亦屬非是相應請

旨將

金匱縣知縣邵颿暫行解任望亭司巡檢潘鶴亭革職以便提察
案內犯証秉公嚴審分別按律寃擬以肅吏治以懲刁風至此案
係上年十月具控之事本年二月始提委員詳揭所有遲延職名
應俟定案時查明一併參處為此會同督臣書恭摺具奏伏乞

奏

刑

奏

撫院書奏金匱縣

五七年

條奏

睿鑒謹奏奉

硃批即有旨欽此

乾隆五十九年夏季條例目錄

吏例

駐蹕熱河巡幸木蘭怡親王等留京辦事

條目 吏 案

吏目 一

五十九年夏季

駐蹕熱河巡幸木蘭怡親王等留京辦事

乾隆五十九年五月十五日奉

諭此次駐蹕熱河巡幸木蘭着怡親王儀郡王大學士兩桂尚書蘇凌阿留京辦事所有吏兵二部應行引見官員文職知縣以上武職守備以于啓壘進木蘭之前每月該部堂官一員輪流帶領熱河引見其文員內佐雜等官武員內八旗護軍校驍騎校及外省送劄補放之驍騎校水手並年滿千總等官亦仍着王大臣照例駢放至八月以後月選州縣等官照例候回壘後歸于九月分一併引見其各省督撫提鎮等奏摺着賚摺人前赴行在投遞進哨後着兵部派員駐扎哨

吏部

駐蹕熱河

五十九年夏季二

門接遞各省奏摺封送行在候朕披閱發回仍于哨門交付賚摺人
祇領該部知道欽此

乾隆五十九年夏季條例目

戶例

銅鉛沉溺應實力打撈如係險灘難以施力者酌量情形
許墜開徵收稅課短少五總暗銀二萬兩餘加恩寬免
全德奏浙高應輸餉等款銀兩請十幕帶完之處改五年
保定等府八十三州縣兩水愆期饑寡老幼老疾貧民賞給
六月一月口糧其餘乏食貧民借給一月口糧
淮安閔短少盈餘銀董椿盛佳照月日分賠十分之六餘即
豁免

戶

戶目一


五十九年夏季二

隨出蓋儀衛人役分別給賞

熱河經過懷柔等縣所報得兩分寸不實交部察議

歷城等五十一州縣暨坐落衛所之歸寡致獨老幼殘疾貧

民賞給六月一月口糧其餘乏食貧民借給一月口糧



銅鉛沉溺應實力打撈如係險灘難以施力者酌量情形
戶部為欽奉

上諭事廣西司案呈乾隆五十九年四月十五日奉

上諭前因沉溺銅鉛撈獲甚少恐水摸等偷匿滋弊地方官不能實力

查察是以飭令四川湖廣各督撫設法打撈以杜弊端茲據孫士毅

奏到撈獲銅鉛籌議章程一摺內稱庫套子險灘波浪奔騰水摸不

能到底僅有一人直到水底盡力到撈獲銅一塊該水摸登岸營

口中流血昏暈半日始甦等語所辦殊屬非是銅鉛船隻遇風覆溺

自應勒限打撈儘數報獲倘係有名險灘人力難施漸無逼令水摸

上諭戶部

銅鉛沉溺章程一

五十九年夏季四

委身冒險輕試不測之理設竟在江淹斃是因撈銅之事致令戕生
寔屬不忍况現據孫士毅酌議極險江灘沉銅無獲祇准豁免一半
餘亦着落運員與地方官分賠又何必勒令冒險輕試耶孫士毅
辦理不合著傳旨申飭外省督撫於地方事件非失之不及即失之
太過辦理總不能得當嗣後該督撫遇有銅鉛沉溺固應實力打撈
如寔係險灘難以施力者自當酌量情形不必過於勉強以致水摸
有涉險輕生之事除將孫士毅所奏籌議章程交部核議具奏外
將此通諭知之欽此欽遵於四月十八日抄出到部除本部核議具
奏另行知照該督撫外相應行文雲貴總督雲南巡撫貴州巡撫

四川總督湖南巡撫湖北巡撫江西巡撫安徽巡撫江蘇巡撫山

東巡撫直隸總督遵照可也

光緒十九年五月十三日准到

許聖閣徵收稅課短少五德賠銀二萬餘加恩寬免

乾隆五十九年五月二十日奉

旨戶部議覆許聖閣徵收稅課一年期滿比較上三屆最多之年短少

盈餘銀三萬九千四百五十三兩應着落該監督並數賠補等語奇
豐額並署兩月均屬有盈無絀五德接徵後始形短絀自係該監督
經理不善所致着落按數賠補本所應得第念五十八年江西一帶
被水歉收川湖米販多往該處運賣到蘇較少以致盈餘短絀尚屬
實在情形所有此次短少盈餘銀三萬九千四百五十三兩着該監
督五德賠銀二萬兩餘着加恩寬免嗣後該監督務宜悉心妥協經

戶部

許聖閣徵收稅課一

五十九年夏季六

上諭
理毋任再有短絀致干咎戾欽此

全德奏浙商應輸閩餉等款銀兩請十年帶完之處改五年
乾隆五十九年五月二十日奉

旨戶部議駁兩淮鹽政全德奏浙商應輸閩餉等款銀兩請分限十年帶完一摺仍令各照原限完納因屬照例辦理但浙商資本微薄此項外輸不繼辦運未免多艱所有浙省商人應完閩餉截餉外輸等款銀一百九十萬兩著加恩自甲寅年為始分限五年完納清款以示格外體恤至意欽此

上諭戶部
全德奏浙商應輸
五十九年五月二十日奉

保定等府八十三州縣雨水愆期鰥寡老幼老疾貧民賞給

六月一日口糧其餘乏食貧民借給一月口糧

乾隆五十九年六月初二日奉

上諭前因直隸缺雨各州縣二麥收成歉薄降旨令該督查明入于夏
灾案内速行辦理茲據梁肯堂奏保定等府屬上年秋成豐稔雖現
在被旱歉收糧價尚不昂貴惟麥收僅止四分以下各州縣乏食貧
民不免餬口稍艱等語保定等府屬本年雨澤愆期節經降旨緩征
借糶用資調劑現在查明夏收僅止四分竟不及半不可不亟籌接
濟着加恩將麥收四分以下之保定等八十三州縣內鰥寡孤獨老

上諭 戶 柰

保定等府一

五十九年夏季八

幼殘疾貧民賞給六月分一月口糧其餘之食貧民立著先行的借
一月口糧俟秋成後免息還倉該督務須嚴飭所屬實心經理毋任
吏胥人等侵冒滋弊俾小民均沾實惠以副朕軫念災黎優加撫恤
至意摺單並發該部即遵諭行欽此

淮安關短少盈餘銀董椿盛住照月日分賠十分之六餘即

豁免

乾隆五十九年六月初四日奉

上諭戶工二部議覆准宿海等關征收稅課一年期滿除宿海二關
比較上三屆均屬有盈無絀惟淮安關比較五十七年計短少盈餘
銀二萬一千五百四十六兩零着落該監督照數賠補等語因屬
照例辦理第念上年山東河南與江蘇年歲均屬豐稔豆價相等商
販未能多獲餘利豆貨船隻過關稀少短少盈餘銀二萬一千五百
四十六兩零着董椿盛住各按照經征月日賠補十分之六繳銀

上諭戶部

淮安關短少盈餘一

五十九年夏季九

一萬二千九百兩零餘著加恩寬免並免其議處餘依議欽此

隨出鑿儀衛人役分別給賞

乾隆五十九年六月十九日奉清字

上諭此次隨出鑿儀衛人役一百八名內長住二十四名每名著賞給一月錢糧其餘每名賞給一兩重銀鏹一個次日遇兩路途泥濘抬轎人等亦着加恩每名賞給一兩重銀鏹一個欽此

戶部

隨出鑿儀衛人役一

五十九年夏季十

熱河經過懷柔等縣所報得雨分寸不實交部察議

乾隆五十九年六月十五日奉

上諭此次巡幸熱河經過懷柔地方見豐山口內外一帶道旁田地頗有積水因令扈從大臣詢問跪道之昌平州知州順義懷柔兩縣知縣俱稱二十四日此一帶得雨二寸復令詢之該處村民則稱二十四日所得之雨實有五寸兼接前澗已為深透等語朕以懷柔一帶既據村民僉稱得雨五寸何以該州縣轉為減少其數或係該州縣等具報摠督祇稱二寸是以意存迴護因令梁肯堂將該州縣原報得雨分寸查核具奏茲據該督奏稱查對順義縣知縣張懷泗懷柔

二前戶

案

熱河經過懷柔等縣一

五十九年夏季十二

縣知縣張廷璠原稟均祇稱得雨二寸其為迴護顯然豐山口雖係
懷柔縣所管地方但昌平州知州藍嘉璜順義縣知縣張懷泗輒同
稱得雨二寸含混登答請將該州縣一併革職嚴究等語所奏畧為
過當該州縣平日于地方事件或有廢弛貽誤或于出借籽種從中
剋扣及應辦賑濟有心諱飾若官聲名不愜輿論又兼捏誣則革職
尚為僥倖若該州縣平日並無別項款蹟尚能留心辦理地方災賑
事務今祇係迴護原報含混登答是僅偏于疎忽意在稱災尚非諱
災可比將該員等交部察議已足示懲倘因此即予革職恐地方州
縣遇有災歉轉聲飾不報朕辦理庶務于大小臣工功過一秉至公

從不肯晴重晴輕稍有屈抑此事着交蘇凌阿將賜祭即親赴昌平
順義懷柔將各該縣在任所辦地方事務輿論若何及災賑等事是
否實心經理有無藉端侵扣等弊據實具奏再行分別核辦至近畿
各屬節據梁肯堂奏稱良鄉涿州易州房山等處得雨一二三寸通
州武清一帶得沾透雨而大興宛平尚未據報得雨恐順天府所屬
各州縣先欠沾被現在莫瞻泰在京並無應辦之事着即輕騎減從
前赴順天府所屬詳查各處節次得雨是否偽實所種大田已種者
是否長發未種者現在曾否陸續補種存全有無被旱成災之處具
奏以副朕念切民依無時或釋至意欽此

歷城等五十一州縣暨坐落衛所之鰥寡孤獨老幼殘疾貧

民賞給六月一月口糧其餘之食貧民借給一月口糧

乾隆五十九年六月十九日奉

上諭前因直隸保定等府屬麥收僅止四分以下降旨賞借貧民口糧

因思山東東昌武定等各府屬未得透雨麥收歉薄恐亦有急需接濟之處諭令福寧詳悉查明一面妥辦一面奏明茲據福寧奏報濟南東昌武定臨清等府州縣及兗連各屬麥收僅三分有餘現在大田均未播種即間有徧得雨澤已經播種者亦尚得雨滋長民力不鉅拮据等語着加恩將歷城章邱長山鄒平新城長清齊河齊

柰

歷城等五十一州縣

五十九年夏季十三

東濟陽禹城臨邑陵縣德平德州平原淄川惠民青城陽信海豐樂
陵商河霑化蒲台濱州利津聊城堂邑博平茌平清平莘縣冠縣館
陶恩縣高唐臨清夏津武城邱縣壽張陽谷范縣觀城潮城博興樂
安高苑臨淄東阿平陰等五十一州縣暨坐落衛所之鰥寡孤獨老
幼殘疾貧民賞給六月分一月口糧其餘乏食貧民酌借一月口
糧該撫務須督飭所屬悉心妥辦務使貧民均沾實惠以副朕軫
恤窮簷有加無已至意該部即遵諭速行摺併發欽此

乾隆五十九年夏季條例目錄

禮例

增議監臨執事各官筵宴及覆試章程各條

八十上壽 郊祀經曲繁文不妨照所減禮儀奉為法守若

未逾耄耆仍應格遵定制于五機處太常寺各恭錄一道

敬謹遵照

會試舉人履歷式樣

巡幸天津隨從官員等需用船隻水手每名增給銀三分

巡幸天津直隸及各省士子迎 銮獻賦分別考試給行賞

禮部

禮部

五十九年夏季十四

資級定銀牌不完卷之貢生吳煥章斥革

增議監臨執事各官筵宴及覆試章程各條

禮部為咨覆事儀制司案呈准河南巡撫穆 咨稱准禮部咨行鄉試中式士子覆試改派監臨各條當即移行一體遵照尚有應行請示遵辦在事宜據布政司議呈六條復增議覆試章程五條理合咨部核示以便遵行等因前來應將請示各條詳細核議咨覆河南巡撫並通行各直省督撫可也

計粘單一紙

計開

一 據稱入闈及揭曉次日主考監臨執事各官非值齋戒期內例有

禮 宗

增議監臨執事筵宴及覆試章程一

五十九年夏季十五

條奏
筵宴今奉新例舉子出場提鎮亦即出闈則揭曉後筵宴提鎮自
無庸復與惟八月初六日入闈若提鎮亦令與宴如何坐次應請
指定所需花紅盃盤等項亦須添備一分於事竣報銷等因 查
入闈及揭曉次日筵宴監臨官例得入宴既令布政使會同提鎮
監臨自應添設花紅盃盤等項令提鎮一體與宴惟駐劄不在省
城業經出闈回任揭曉後筵宴應無庸與其筵宴坐次查順天
鄉試監臨與主考等官一例平列今祇有巡撫省分既以布政使
提鎮為監臨應於堂後楣平列六席正副主考居中巡撫學政在
其次文武監臨又在其次俱南向坐其布政使居東提鎮居西業

經本部奏定應一律遵行

一 榜稱三場完畢之日例將三場有無弊竇之處專摺具奏今改派
藩司監臨是否即由藩司會同提鎮具奏抑仍申報巡撫具奏
等因 查場中亂號傳遞等弊未能查出將監臨之布政使提鎮
均照例議處則三場有無弊竇之虞責在監臨應即令藩司會
同提鎮具奏以專責成

一 揭稱揭曉三日內應恭進題名錄及送部科題名錄並三場題紙
等項照例繕備應仍請巡撫專疏題進並分咨部院科道應否於
題名錄內首列覆試官巡撫銜名次列監臨官布政使及提鎮銜

條奏 禮 奏

增議監臨執事筵宴覆試章程二

五十九年夏季十六

名再次外提調外監試內提調監試等官銜名等因 查布政使
會同提鎮監臨省分仍令巡撫入場監同填榜鈐蓋印信以崇
制則題名錄自應由巡撫恭疏具題並由巡撫分咨部院科道但
進呈題名錄時未經覆試應將巡撫銜名列為鈐榜官首行書寫
不應繕覆試官字樣其監臨以下銜名次序均如所咨辦理

據稱覆試卷自草稿起止用空白五頁前後留彌封各一頁謄其
紅格八頁卷面首頁內是否仍照正場繕寫本生姓名年貌籍貫
履歷及中式名次抑止於卷面用紅戳排列覆試卷三字下繕本
生中式名次姓名籍貫及學生增生附生等字樣再試卷俱係

政司經歷承辦覆試卷自應仍令布政司經歷承辦所需卷價與
正卷一併報銷卷尾仍刊刷印卷官銜名等因 查中式士子
年貌籍貫履歷原摺附字樣俱經鄉試里卷內填明覆試卷自
可無庸繁瑣應于卷面填寫本生姓名及鄉試中式名次並排
列覆試卷字樣交卷後鈐印彌封發交選派之道府等官校勘餘
俱如所咨辦理

據稱中式舉子覆試卷應同正場硃墨卷一併解部其副榜硃墨
卷雖不覆試似應仍照向例彙齊同時並解等因 查各省中式
舉人硃墨卷揭曉後由監臨即日封鈐移送督撫覆試核對後一

同詳部其中式副榜無庸覆試但向例應與舉人卷同時並解應如所咨彙解以歸簡易

一據稱向例監名散卷督率搜檢係巡撫督同在龍門外辦理今布政使會同提鎮監臨監名時巡撫似應仍赴貢院督同辦理提鎮似應在龍門以內至公堂以外督同委員查看卷面坐號即時押歸本號以杜換卷亂號等弊毋庸會辦監名散卷等事等因查布政使提鎮同係監臨布政使在龍門外督率監名散卷提鎮在龍門內稽察換卷亂號原可分辦若仍令巡撫赴院督辦恐覆試究出正場懷挾頂冒等弊未免意存回護所有巡撫仍赴貢院督

同辦理之處應不准行

一據稱覆試卷正面背面接縫自應鈐用印信正場向用布政司印信今巡撫覆試應否即用巡撫關防等因查覆試各事宜俱由巡撫辦理其試卷應令布政使按照人數條辦先期申送巡撫正面背面接縫俱由巡撫鈐用關防

一據稱覆試卷例應選派道員知府直隸州同知由進士出身者三四員悉心校勘應否令其公同校勘抑照正場分房之例分校試卷至通省道府直隸州同知由進士出身者設一時不敷派委可否照鄉場分校之例選舉人之文理優長者以敷校閱等因查

覆試試卷無多其選派之三四員應令同校勘以昭詳慎其校勘道府各官經本部奏定專用進士出身人員各直省自應遵照先儘進士出身人員出派設一時人數實在不敷外省鄉試舉人出身人員原有分房之例應准其添派該督撫亦將實在緣由專咨報部以憑查核

據稱覆試詩文應否即令分校之道府等員加以圈點等因查覆試重在核對文義字跡與原中卷是否相符毋庸逐字逐句細加評議其校閱試卷應遵順天鄉試覆試之例不加圈點

據稱覆試卷姓名彌封無從與中式原卷核對且彌封應否開拆解部等因查覆試卷彌封姓名原以防校勘各員意為高下應俟勘畢該督撫秉公定擬後再行開拆彌封率同派出之道府等官與原卷細加核對

據稱覆試新例未定于何處高試貢院地面廣濶恐稽察不周似應即于巡撫衙署嚴密局門編列坐號黎明點入命題考試仍酌派監場官數員巡撫親身督同稽察等因查覆試人數無多貢院地面廣濶難于稽察應如所咨于覆試之該督撫衙署局門編號命題考試親身督同監場官員周密稽查並嚴禁幕友家人擅自出入以杜弊端

修奏

乾隆五十九年五月初七日准到

八十上壽 郊祀經曲繁文不妨照所減禮儀奉為法守若
未逾耄耋仍應恪遵定制于軍機處太常寺各恭錄一道
敬謹遵照

乾隆五十九年六月初七日奉

上諭 乾隆四十五年朕年已七十旬慈于秩祀大典儀節有愆始于

南郊大祀時令諸皇子分詣

配位前奠帛至

北郊儀注內墜香奠帛禮臣尚復誤也親行舊例具奏未

園兵

上諭 禮 宗

八十上壽一

五十九年夏季

方澤皆稱大祀而

南郊配

天典禮尤重乃未經一律更定自係彼時禮臣辦理遺漏此次大祀

方澤

皇地祇位前香帛候朕親自供獻

列祖

列宗配位前宜如

南郊禮朕親自陞香其奠帛禮儀亦遺諸皇子分獻此非朕急于將事緣

郊祀大典務在精誠孚格禮節無愆方足以昭朕孚况朕春秋已八旬間

四距乾隆四十五年又閱十有四載雖仰邀

皇眷精神強固如常然于登拜趨踏寔未免稍遜于昔若

列祖

列宗配位前奠帛一節仍勉強將事不特

南北郊儀久軒輕未協崇效卑法之儀且慮節文煩重跪趨維艱或至

官恭代轉于

郊祀大典未獲躬親尤非盡誠昭事之道朕自臨御以來夙夜孜孜

敬

不報本為念

上諭 禮 祭

八十一上壽二

五十九年夏季三十一

郊禮大祀靡不劬志欽承茲因年壽已高不得不酌減儀文以冀陞壽告
備是非敢自惜其勇正所以要之于久我世世子孫承禧衍慶如能
似朕之年躋上壽實我國家無疆之祿所有

郊祀經曲繁文 不妨酌所減禮儀奉為法守若未逾毫釐則于

園丘

方澤

宗社大祀仍應恪遵定制肅奉明禋倘或稍憚勤勞老年未屆邊思節減
即非勵精昭格之義我子孫其敬承無替倍又虔恭以迓億萬年無
疆福祚方無負朕諄切訓誡至意此旨着于尚書房軍機處禮部大常

寺各恭錄一道敬謹遵照欽此

會試舉人履歷式樣

禮部為通行事司務廳案呈咨前事一案相應抄單移咨江蘇巡撫查照可也

計連單一紙

查會試舉人向由地方官據該舉人親供履歷加結申送督撫給文該舉人赴部親接收考前經屢次開竄履歷式樣通行知照在案查近科會試文內徃徃有開載年貌籍貫而未開何學何生及鄉試中式科分或開載科分而未開年貌籍貫文內挖補字樣亦未鈐印本部於投文收卷時紛紛傳喚更正寔屬繁冗且恐易滋

禮部

會試舉人履歷式樣

五十九年夏李二十三

俗例

弊端殊非慎重科場之道今乙卯

會試在適應通行各督撫轉行通飭各屬於該舉人投遞親供時務須詳細查明履歷照後開式樣逐一填寫如係監生中式者應分別部監甘監如係甘監應聲明曾否補交銀兩并將有無改名改籍揀選捐職之處逐一聲明文內或有挖補字樣亦須鈐印以杜弊竇相應通行直省督撫府尹一體遵照辦理可也

式樣

某姓某名年若干歲某省某府某縣某籍由某州學某生中某年順天鄉試第幾名舉人有無改名改籍並現任教職等項逐一註本省

明

乾隆五十九年六月廿五日准到

會試舉人履歷式樣二 五十九年夏卷廿四

巡幸天津隨從官員等需用船隻水手每名增給銀三分
乾隆五十九年四月初一日奉

上諭朕此次巡幸天津經由水程所有隨從官員等需用船隻雖即經
大加核減且為期不過數日但水手等不無稍需守候著加恩於水
手日給常價銀五分外每名酌增給銀三分以示體恤欽此

巡井太清直隸及各州士子迎 齊賦賦分別考試給銜賞
齊賦賦不完卷之書生吳煥書序其

乾隆五十九年四月十一日奉

上諭此次巡井天津直隸及各省士子迎齊賦賦因令分別考試所有
考取一等之浙江舉人姚文田着賞給內閣中書與考取候補人員
挨次補用其考取一等之江蘇生員汪廷楷浙江舉人周嘉猷江蘇
生員袁廷極順天生員曹煜望順天舉人俞恒煥俱着各賞緞二疋
其八十三歲完卷五山兩生員范大齡亦着賞緞一疋銀牌二面至
不完卷並抄書等句之湖北書生吳煥着賞印片并以示朕壽考作

巡井天書一

五九年夏季六

人懲勸儒林至意錄此

乾隆五十九年夏季條例目錄

兵例

嗣後各省每年需買馬數于五六月間彙冊報部

各省弁兵該官官應嚴行約束

上諭一道

畢沅奏襄陽鎮游擊梁國貞挪動兵餉請革職嚴審

兵部

兵部

兵部

嗣後各省每年需買馬數于五六月間彙冊報部

兵部為行令事車駕司案呈查山東河南江蘇安徽湖南湖北等六省驛站馬匹例應赴部請票出口購買足額但近年各省巡撫俱于五六月間據各州縣呈報應買馬數逐起分咨報部至各州縣差役赴京購買時既由臬司給與照票而該撫又復逐起給與隨咨案牘殷繁殊屬無謂嗣後各該省需買馬匹應令該撫將各州縣呈報馬數于每年五六月間彙造總冊報部不必逐件分咨至差役來京時止由臬司給與印票一張註明馬數本部即可查驗換給照票令其出口購買毋庸再給隨咨以歸簡易

兵部

各省需買馬數彙冊報部一

五九年夏季二八

其各差役買馬回省時由部給與回照亦存俟次年五六月內造冊咨報買馬時一併彙齊送部毋庸另行咨銷可也
乾隆五十九年四月初十日准到

各省弁兵該管官應嚴行約束

上諭一道

兵部為通行事職方司案呈內閣抄出奉

上諭一道相應刷單行文該撫轉飭所屬提鎮一體遵照可也

計刷單一紙

乾隆五十九年四月十五日內閣奉

上諭朕恭閱

實錄內載康熙年間河南南陽鎮總兵高成標下兵丁因查拿賭博至知府署內爭鬧將知府沈淵抬至教場凌辱之事各省營兵若該管官

上諭兵

柰

各省弁兵應行約束

五十九年夏季元

約束不嚴往往易於滋事現在法令嚴明自不致如此但恐日久玩
生不可不防其漸各省督撫提鎮等務須督飭各營該管官隨時查
察嚴行管束俾弁兵共知儆惕以肅營伍而靖地方不可稍有因循
致滋事端方為妥善欽此

乾隆五十九年六月初六日准到

畢沅奏襄陽鎮遊擊梁國貞挪動兵餉請革職嚴審

乾隆五十九年五月初三日奉

旨畢沅奏襄陽鎮標中營遊擊梁國貞等挪動兵餉請旨革職一摺
該營餉銀自應按期支放豈容任意擅動即各官兵守候提督校閱
借墊盤費自有定款何至挪動兵餉千兩之多看来竟係該遊擊等
藉詞捏稱私行挪用必須嚴切究辦遊擊梁國貞守備陳嘉謨楊全
俱著革職拿問交該督提同案內人証嚴審定擬具奏至此案係由
提兵彭之年訪聞揭報若一併查處將來遇有此等私挪之案該管
官員必至回護處分不肯據實直揭彭之年失察之咎尚屬可寬並

兵 案

畢沅奏襄陽鎮遊擊

五十九年夏三十一

著于定案時查明辦理該部知道摺併發欽此

乾隆五十九年夏季條例目錄

刑例

發往新疆各項官犯查明原案核其情節輕重年分久暫應如何分別保奏不保奏之處悉心妥議定立條例具奏候旨遵行其發往軍臺之犯亦一併查明辦理

軍機處彙奏改咨事件定限出咨日期

福寧奏歷任曹縣知縣獲盜十年不辦嚴審完擬

發往新疆各項官犯查明原案核其情節輕重年分久暫應如何分別保奏不保奏之處悉心妥議定立條例具奏候旨遵行其發往軍臺人犯亦一并查明辦理
大學士公阿 等謹奏為遵

旨議奏事前奉

上諭向來發往新疆官犯到彼數年後該將軍大臣等往往奏請賞給職銜派辦事務其中不無徇情冒濫是以前經降旨將保奏停止今思伊等罪名輕重亦有才具尚堪効用者若概不予以自新之路勢必久留邊地廢棄終身亦非愛惜人材之意着軍機大臣會同該部

刑

本

發往新疆一

五十九年夏季三

修例

將現在新疆各項官犯查明原案核其情節輕重年分久暫應如何分別准其保奏不准保奏之處悉心妥議定立條例具奏候旨遵行其發往軍臺人犯亦著一并查明辦理等因欽此臣等正在查辦聞復奉

諭前因發遣各處官犯久留邊地特降旨令軍機大臣會同該部查明各原案分別情節輕重年分久暫定立條例妥議具奏今又思不特官犯為然即常犯內獲罪較重按律發遣新疆及免死減等者固屬罪所應得而其中有所犯本罪止于杖徒軍流經該部及各督撫核辦時從重問擬新疆等處者亦復不少現在春膏未溥正應省刑

慎罰以期感召和甘嗣後該部及各督撫辦理此等案件除罪應發新疆及免死減等者仍照例辦理外如所犯情節較重僅按本律問擬杖徒軍流不足以懲者亦止應照本罪定律加一等問擬不得有意從重越等增加所有現在已經發遣新疆各等處官犯常犯著再交軍機大臣會同該部一體查核如原犯案情係由杖徒軍流加重發遣新疆者應如何酌改年限予以減等之處一併會同妥議具奏等因欽此仰見我

皇上

法外

刑 案

發往新疆二

五十九年夏三三

施仁棄瑕宥過于邊方成犯靡不

曲賜

矜全臣等因檢查發遣新疆黑龍江吉林等處官犯常犯卷宗內常犯
人數衆多因歷年久遠刑部兩次回祿案卷多有燬失驟難查核
現已飛咨該將軍等各將原案造冊補送俟到後再行會同迅速
核辦所有前年發往新疆官犯現共有四百五十五名除免死減
發之犯應仍照原擬俟充當苦差十三年期滿後請

旨遵行

又甘肅冒賑案內及發遣為奴永遠充當苦差削除旗籍並
情節較重各犯均毋庸議外其已經奉有

諭旨再留十年五年及二三年不等各犯應俟年滿後屆期由該將軍

照例辦理已蒙

一聖恩

賞給職銜者擬令該將軍等察看如果奮勉出力酌留錄用若年力衰
頹即核其効力年滿後照例予釋又兇神保寧祿那親三犯因刑
部案卷焚燬現亦令伊犁將軍查送原案此時俱毋庸核辦外臣
等謹將各犯年分罪名詳加酌核內年分較淺情罪稍重者一百
三犯擬仍留新疆等處再俟三年滿後由該將軍恭摺具奏請

旨辦

理其餘各案人犯謹欽遵

條例 刑 奏

發往新疆三

五十九年夏季三四

恩旨各按原犯軍流杖徒之罪內年分較久情節尚輕者即依次遞減
予以杖徒完結其年分尚淺者擬俟三年滿後再按原罪遞減完
結其情罪畧重者擬仍留三年滿後再按罪遞減完結其並無原
擬罪名徑發新疆者亦核其年分情節照軍流杖徒從重發往人
犯之例一體分定年限量予減等歸併辦理至黑龍江吉林等
處人犯因該處向無効力之途是以未定釋回之例茲奉

恩旨交查白當分別核辦用廣

皇仁臣等查黑龍江吉林官犯四十四名內除甘肅冒賑擬斬監候免
死發往之萬邦英等三十犯及為奴各犯又停習渾等十犯情罪

俱重亦毋庸議外其情節稍輕者四犯即行酌減入于新疆各犯
單內完結如此分別辦理處情罪重大之犯不得倖邀

寬宥而情節可原之犯均得普沐

皇上格外

恩施其餘減等各犯仍各科以應得之罪足以示懲于新疆等處安堵
人犯亦無壅滯之慮謹分別開具清單進呈

御覽恭候

欽定再新疆各官犯內欽奉

諭旨令臣等核其情節輕重年分久暫將准其保奏不准保奏之處分

刑 案 一 發 性 疆 四

五十九年夏季三五

別具奏此皆由

聖王

矜惜人材

曲予以自新之路肅清屯政不使開倖進之途

睿慮

周詳臣等曷勝欽佩查各官犯情節稍輕年分既久者現奉

恩綸酌予減等經臣等酌核案情開單具奏如蒙

允准各該犯即應分別減釋其餘情節較重各犯自不當復使之倖邀

錄用唯原任甘肅副將王柱等一百九名情節尚不甚重現經臣

等核擬奏請再留戍所俟三年期滿分別減等應行令該將軍等

如現在該處有需人差委之處先儘此項官犯內擇其才且堪用

到戍三年以上者挑補以杜冒濫至軍基各犯其已奉有

諭旨再留三年者應俟屆期由該都統照例辦理外其餘各犯謹遵

旨核其情罪分別酌留年分並年滿後酌予釋回者一併開單恭呈

御覽候各該犯年滿後查明交清基費者准其報部存案釋回旂籍未

滿年限力能捐贖者聽其贖罪倘年滿後無力完繳基費其曾任

州縣以上等官咨查該員原籍如有隱匿情弊按舊例治罪若實

在家產盡絕効力年滿者亦准釋回其佐雜微員及武職守備以

刑 奈

往新疆五

五十九年夏季三六

下不能交清臺費者久留軍臺亦屬有名無實即于年滿後酌改
徒罪發落以昭核實所有臣等遵

旨核擬緣由是否有當恭候

命下即行知各該將軍都統遵照辦理為此謹奏奉

旨依議欽此

軍機處彙奏改咨事件定限出咨日期

辦理軍機處為咨覆舊准河南撫院穆 咨呈內稱接准刑部咨
開乾隆五十九年正月初七日奉

上諭嗣後各省彙查遣犯毋庸陸續具奏著於每年十月截數咨報軍

機處刑部均限十二月初間咨齊即由軍機大臣會同該部彙開清
單于年底先行具奏仍交部分別核議照例具題此外每年彙奏各
款均著照此辦理等因欽此除彙查遣犯一案欽遵辦理外其向于
十一十二月彙奏並無私設班館等十八件向於正月彙奏掣獲
盜竊功過一件是否均應改于十月內一律咨報又向于次年正

刑 案

軍機處彙奏一

五十九年正月三十七

月彙奏之各屬倉庫無虧及藩庫寔存一件若改至十月截數恐
與撥冊銀數不能相符應否仍于正月咨報等因開具清摺請示
前來本處將摺內所開各件逐加查核如向于十一月彙奏
班館門包衣傘脫靴抽改綱目民穀數護送銅斤工程已未完扣
展公出通省城垣改修船隻坐禱防禦收繳烏鎗禁用紙繩看賠
盜贓等十四件及與河督分摺具奏之河灘並無新添村庄陶北
河有無淤墊二件以上各件並無趕辦不及格碍難行之處均應
改于每年十月內咨報各部及軍機處查核辦理務于十二月初
開咨察毋庸具奏至出咨後其各款內如有發覺申報到案者准

入于下年聲叙勿稍迴護其向于十一月彙奏之常義倉寔
存及甄別教職佐雜干總二件及向于次年正月彙奏拏獲盜竊
功過及各屬倉庫無虧藩庫寔存二件查倉庫銀糧寔存及拏獲
盜竊功過非將屆年底不能截數甄別教雜干總報部彙奏均按
名數查核為期大早易啟草率數之弊以上四件均應于十一月
底出咨不得遲至臆底正初亦毋庸另行具奏相應咨覆河南巡
撫遵照并通行各直省仿照辦理可也
乾隆五十九年五月十九日准督院咨會

福寧奏歷任曹縣知縣獲盜十年不辦嚴審定擬

乾隆五十九年五月十九日奉

上諭

福寧奏歷任曹縣知縣獲盜十年不辦監斃要犯三名嚴審定擬一摺此案專縣事主岳秉禮被盜用火燒傷劫去衣物當經已故知縣譚尚適拿獲正盜六六起獲真贓乃並不即行審辦又未將獲犯在監病斃三名之處據實通報歷任知縣復因循不辦以致監犯淹禁十年似此闊茸廢弛實出情理之外所謂整飭吏治者女在該管知縣及上司等均非尋常疎玩可比所參歷任曹縣知縣白豐劉大紳謝連鏐吳華陳榕端俱着革職發往軍臺効力贖罪歷任曹州府


刑部

奏

福寧奏歷任曹縣

五十九年五月十九日

知府恩保蔣繼煥歸朝勅吳人驥杜安詩俱着革職本管道員唐侍
陛按察使羅熾前護巡撫布政使江蘭俱着交部嚴加議處所有應
議歷任司道及各巡撫俱着查取職名咨部分別嚴加議處稿寧于
此案雖未能及早查出俱着俸該撫審明具奏着交部議處所有盜
犯劉廣居等即着軍機大臣會同該部速議具奏摺并發欽此



文化庫

